



08-02-2018

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

- 1. INI A/S illoqarfinni annerni 15-ni qassinik inissiaateqarpa aamma taakku agguaqatigiisillugu kvadratmeterimut qanoq akeqarpat? Naalakkersuisut qinnuigineqarput tullerriaareqqullugit skemat atorlugit assersuussinissaq ajornannginnerusumik pisinnaaqqullugu.**
- 2. 2017-mi taakkunani illoqarfinni annerni 15-ni inissiat inoqanngitsut qassiuppat? Naalakkersuisut qinnuigineqarput akissumminni qaammatikkaarlugu immikkoortitikkamik skemalioqqullugit, illoqarfinni ataasiakkaani ineriartorsimaneq malinnaavigisinnaaniassagatsigu.**
- 3. 2017-mi taakkunani illoqarfinni annerni 15-ni inissiani inissarsiortutut qassit allassimappat? Naalakkersuisut qinnuigineqarput akissumminni qaammatikkaarlugu immikkoortitikkamik skemalioqqullugit, illoqarfinni ataasiakkaani ineriartorsimaneq malinnaavigisinnaaniassagatsigu.**
- 4. Apeqqutini 1-3-mut akissutini inissiat inoqanngitsut innuttaasullu utaqqisut amerlassusaat ataqatigiissanngikkaluarpata Naalakkersuisut qinnuigineqarput nalileeqqullugu, assigiinngissut qanoq pinngorsimanersoq kiisalu oqaatigeqquneqarpoq assigiinngissut taanna piaarnerpaamik qanoq qaangerneqarsinnaanersoq.**
- 5. Naalakkersuisut ukiuni aggersuni nutaanik sanaartornerit pisortallu inissiaataannik iluarsaassinerit eqqarsaatigalugit aningaasaliissutinik qanoq pingaarnersiussamaarpat? Apeqqutitut 1-3-mut akissutigineqartut akissummut ilanngunneqakuttoorsinnaapput.**
- 6. Naalakkersuisut naliliinerat naapertorlugu pisortat inissiaataasa iluarsaannissaannut aningaasat qassit pisariaqartinneqarpat? Akissut agguaquneqarpoq illoqarfikkuutaarlugu.**
- 7. Pisortat inissiaataannut tunngasunik Naalakkersuisut allanik soqutiginartunik ilanngussasaqarpat?**  
(Inatsisartunut ilaasortaq Justus Hansen, Demokraatit)

**Tunngavilersuut**

Inissaq pisariaqarpoq pitsaasumik inuuneqassagaanni. Inuunitta ilarujussua atortarparput initsinni, ajornanngippat inuuninitsinni toqqissisimasumik tulaavissatsinni.



Taamaattumik soqutiginaruaannarpoq pisortat inissiaataanni ineriartornerup malinnaaviginissaa, ineqarnerummi qularnaartussaammagu kikkut tamarmik toqqissisimasumik pitsaasumillu inuuneqarnissaat.

Ukiuni amerlaqisuni tusartuarpagut inissiat silaannaluttut, oquttut ilaalu ilanngullugit. Tamatuma saniatigut aamma tusartarparput inissarsiorlutik utaqquisut amerlangaarmata initaarnissaq ajornarluinnangajattoq.

Demokraatini kissaatigaarput siunissami pisariaqartitsinerpaaffittut uppersarneqartuni aningaasaliisoqartarnissaa, aningaasaliissutit innuttaasunut amerlanerpaanut iluaqusiisinnaaqqullugit. Tamanna tunngavigalugu kissaatigaarput, Naalakkersuisut apeqqutit akissagaat, inissianik attartortittakkanik pisariaqartitsinerup annertussusaa tamatta paasisinnaaniassagatsigu.

Apeqqutima ullut suliffiit nalinnaasut qulit iluanni akineqarnissaat kissaatigaara.